

Pangserbisyo nga mga Misyon: Usa ka Giya alang sa mga Ginikanan o sa mga Nagbantay [Guardian] ug sa mga Pamilya

Ang misyonaryo nga pagserbisyo usa ka kulbahinam nga panahon alang sa mga misyonaryo ug sa ilang mga pamilya. Ang mga ginikanan adunay mahinungdanong tahas sa dili pa ug atol sa pagserbisyo sa misyonaryo. Kamo kabahin sa grupo nga magdesinyo og usa ka plano sa pangserbisyo nga misyon alang sa inyong anak nga lalaki o anak nga babaye. Kamo moawhag usab ug mosuporta sa inyong misyonaryo atol sa iyang pagserbisyo.

Plano sa Pangserbisyo nga Misyon

Ang matag pangserbisyo nga misyonaryo adunay mga kalig-on ug mga talento nga motabang sa pagtukod sa Simbahan ug moserbisyo sa mga anak sa Dios. Ang usa ka malamposong pangserbisyo nga misyon makahatag og makahuloganon nga mga oportunidad sa pagserbisyo ug makatabang sa mga misyonaryo nga molambo.

Ang mga misyonaryo mahimong makaserbisyo og usa o daghan pa nga mga assignment. Sa kinatibuk-an, ang mga assignment gihimo sama sa mosunod:

- Ang magmisyon makigkita sa bishop aron mahisgotan ang mga oportunidad sa pagmisyon. Ang bishop kinahanglan mobati nga ang magmisyon takos nga moserbisyo og usa ka misyon. Kon siya takos, ang magmisyon mo-fill out sa porma diha sa online missionary recommendation system.
- Ang tanang mga aplikasyon ribyohon sa usa ka sakop sa Korum sa Napulog Duha ka Apostoles. Siya ang motino kon ang magmisyon moserbisyo ba og usa ka pagtudlo o pangserbisyo nga misyon. Ang propeta dayon mohatag sa usa ka tawag sa pagserbisyo.
- Human madawat sa magmisyon ang tawag, ang mga ginikanan makigtambayayong sa mga lider sa pagkapari ug sa lider sa pangserbisyo nga misyon. Sila mangita sa mga assignment nga mohatag sa mga abilidad sa misyonaryo. (Tan-awa ang seksiyon sa ubos.)
- Ang magmisyon ug ang iyang mga ginikanan makigkita sa tigdumala sa operasyon sa dapit nga serbisyoan. Ang bishop mahimo usab nga moapil kanila. Sila ang mohukom kon ang oportunidad angayan ba.
- Ang tanan kinahanglan nga mobati og maayo mahitungod sa assignment. Sa higayon nga magkauyon sila, ang lider sa pangserbisyo nga misyon mobutang sa assignment. Ang usa ka pangserbisyo nga misyonaryo mahimong adunay daghang assignment.
- Ang bishop ug ang presidente sa stake morebyo ug moaprobar sa assignment ug sa eskedyul. Ang assignment nga sulat himoon ug ipadala ngadto sa presidente sa stake kauban sa badge sa misyonaryo ug sa *Tamdanan nga Basahon sa Pangserbisyo nga Misyonaryo*.
- Ang presidente sa stake makadawat sa assignment nga sulat ug morebyo niini uban sa magmisyon. Siya morebyo usab sa *Tamdanan nga Basahon sa Pangserbisyo nga Misyonaryo* uban sa magmisyon ug dayon mo-set-apart kaniya isip usa ka misyonaryo.

Team sa Pangserbisyo nga Misyon

- Lider sa pangserbisyo nga misyon: Makigtambayayong sa mga magmisyon, sa mga ginikanan, ug sa mga tigdumala sa operasyon aron matino kon ang assignment haom ba.
- Presidente sa stake: Modumala ug moaprobar sa gipahaom [customized] nga proseso sa assignment.



- Espesyalista sa pangserbisyo nga misyon sa stake (diin adunay natawag): Makatabang sa lider sa pangserbisyo nga misyon sa pagbisita sa mga magmision ug sa ilang mga ginikanan diha sa ilang stake aron hisgotan ang mga kahanas, mga abilidad, ug posible nga mga assignment.
- Tigdumala sa operasyon: Modumala sa inadlaw-adlaw nga buhat sa mga misyonaryo. Mohatag og giya, suporta, ug pagbansay. Mahimong mohangyo og mga lider sa dapit aron makatabang.
- Ang mga magtatambag sa pagpalambo nga gikan sa Simbahan anaa alang sa pangserbisyo nga mga misyonaryo pinaagi sa referral sa usa ka bishop. Ang mga magtatambag sa pagpalambo makaabag sa pangserbisyo nga mga misyonaryo alang sa bokasyonal nga pagpalambo ug sa mga kahanas isip kabahin sa ilang taas og tagal [long-term] nga mga tumong.

Pagsuporta sa Inyong Misionaryo

Kon ang inyong misionaryo magsugod na sa pagserbisyo, itanyag ang mosunod nga suporta:

- Suportang pinansyal. Kini naglakip sa balayranan nga medikal ug dental, transportasyon, ug uban pang mga galastohan.
- Tambag ug giya. Tugoti ang inyong misionaryo sa paghimo og mga desisyon. Siguroa nga ang inyong tambag nauyon sa direksyon sa mga lider sa pagkapari ug sa tigdumala sa operasyon.
- Usa ka espirituhanong kahimtang diha sa panimalay.
- Pagdasig ug espirituhanong suporta.
- Motabang sa nahisulat nga inadlaw-adlaw nga eskedyul.
- Mo-follow-up sa mga kalihokan sa matag adlaw.

Dugang pa nga mga kapanguhaan anaa sa [ChurchofJesusChrist.org/service-missionary](https://www.ChurchofJesusChrist.org/service-missionary).

Mga Pangutana?

- Kontak ang inyong lider sa pangserbisyo nga misyon.
- Bisitaha ang [ChurchofJesusChrist.org/service-missionary](https://www.ChurchofJesusChrist.org/service-missionary).
- Tawagi ang Buhatan sa Pangserbisyo nga Mision [Service Mission Office] sa Siyudad sa Salt Lake sa 1-801-240-4914 o pag-email sa support-servicemission@ChurchofJesusChrist.org.

